

SEPS PREZIDI SEREMONIA ISAR BANDEIRA DAHULUK BA TINAN 2019

Segunda-Feira, Loron 7 Fulan Janeiru 2019, Sekretariu Estadu Protesaun Sivil (SEPS), Dr. Alexandrino Xavier de Araújo prezide seremonia Isar Bandeira Nasional iha primeira semana tinan 2019 nian, hamutuk ho diretores jerais, diretores nacionais, xefe departamentu, asesores inklui mos funsionarius públikus, iha resintu Vila-Verde, Díli. Iha biban ne'e, Sekretariu Estadu Protesaun Sivil, husu ba funsionariu sira atu mantein nafatin disiplina. "Ohin ita tama ona ba tinan foun 2019, ita



hatene katak ita nia prosesu nasaun nia lao ba oin bebeik. Hanesan membru governu, laos atu servisu mesak. Maibe mai hamutuk ho imi ita lao ba oin tuir regras no planu ne'ebe trasa ona, presija iha komunikasaun diak entre xefia sira ho funsionariu sub-ordinada sira ho nune'e bele kria kordenasaun servisu diak hodi atinji objetivu servisu. Sekretariu Estadu afirma tan, "Husu kuandu wainhira orsamentu jeral promulga ona, kada diresaun sira hatene ona atu halo tuir planu hirak ne'ebe maka ita preve. Iha ne'e, hau ho Ministru Interior sei servisu hamutuk ita bot sira ho responsabilidade. Husu mos ba nivel xefia sira, Xefi Departamentu no Diretores Jerais sira, atu halo servisu hanesan baibain, hodi hare hikas planu no kontrola didiak orsamentu tanba servisu hirak ne'e iha ligasaun liu-liu konaba sistema orsamentu. Importante liu maka, presija nafatin existencia servisu hodi desenvolve ita nia rai no nasaun tuir ritmu desenvolvimentu ne'ebe ita hotu mehi. #Fatinha